



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

## *Komunikadu Imprensa*

*25 Abril 2013*

### **Komemora loron aniversariu JSMP ba dala XII ho programa debate nivel akademíku ba kazu incestu**

Iha 28 Abril 2013 hanesan loron importante ba JSMP hodi comemora nia aniversariu ba dala XII durante hala'o knáar observa servisu seitór justisa no lejislativu iha Timor Leste. Iha komemorasaun ne'e, sei fó posse ba diretór foun ba períodu 2013-2017, nomós lansa relatóriu institusionál JSMP ba tinan 2012 nian. Serimonia ne'e sei hala'o iha 26 Abril 2013, iha Salaun Delta Nova-Komoro.

Relasiona ho komemorasaun loron aniversariu ne'e, JSMP mós sei hala'ó debate entre fakuldade direitu husi universidade UNTL, UNPAZ, UNDIL no UNITAL iha Salaun Delta Nova, Comoro, Dili. Tópiku debate kona-ba "*Inestu iha Timor Leste krime ne'ebé seidauk iha lei spesifiku*".

Objetivu husi debate ne'e atu deskobre perspetiva akademika kona-ba krime incestu. Aleinde ne'e atu esplora no dezemvolve pasu alternativa seluk atu hametin protesau ba vítima no asegura kodenasaun apropriadu ba arguidu sira.

"JSMP fiar katak ho debate ida ne'e bele hamosu opsaun no alternativas oi-oin atu oinsa influencia autóridade competente sira, hametin protesau ba vítima no fó espasu ba alterasaun ba Kódigu Penál no Lei Kontra Violénsia Doméstika atu inkorpora artigu spesifiku kona-ba incestu", dehan Diretór ezekutivu JSMP, Luis de Oliveira Sampaio.

Partisipante ba serimonia importante ne'e sei mai husi representante parseiru hanesan governo, autór judisiáriu, entidades relevantes iha are justisa, estudante universitáriu sira, organizasaun sociedade sivíl no mídia sira.

Aproveita loron importante ne'e, JSMP konvida ema hotu atu involve ativamente atu hametin setór justisa no lejislativu iha Timor-Leste. JSMP mos la haluha agradese apoiu husi doadores sira nomós ema hotu ne'ebé fo nia kontribuisaun atu apoiu programa JSMP nian to'o ohin loron.

Atu hetan informasaun klaru no kompletu liu, favor ida kontaktu diretamente:

Luis Oliveira Sampaio  
Diretór Ezekutivu JSMP  
E-mail: [luis@jsmp.minihub.org](mailto:luis@jsmp.minihub.org)  
Website: [www.jsmp.tl](http://www.jsmp.tl)  
Telephone: 3323883/77810637